

KONSEPSI MAQASID SYARI'AH DALAM TAFSIR AL-TAHRIR WA'L-TANWIR KARYA MUHAMMAD AL-TAHIR IBN 'ASHUR

Ahmad Nabil Amir

Former Associate Research Fellow, International Institute of Islamic Thought and Civilization (ISTAC-IUM) Kuala Lumpur, Malaysia

nabiller2002@gmail.com

Tasnim Abdul Rahman

Fakulti Pengajian Kontemporari Islam, Universiti Sultan Zainal Abidin (UniSZA) Terengganu, Malaysia

tasnimrahman@unisza.edu.my

Abstract: *This paper examines the underlying ideas and scope of maqasid al-syariah (higher objective of Islamic law) propagated by Muhammad al-Tahir ibn 'Ashur (1879-1973) in his seminal work, Tafsir al-Tahrir wa'l-Tanwir. It looks into the connection between his interpretation and the instrumentality of the verses and its scriptural paradigm designed to bring forth the ideas and doctrines of maqasid and maslahah (common good) in his tafsir. The study is technically based on qualitative method in the form of analytical and logical reasoning. The finding concludes that the Tafsir al-Tahrir wa'l-Tanwir was structurally constructed based on the principle of maqasid al-shariah that ideally expounded its rational and philosophical basis. Its legal formulation was based on the Islamic reference of the Qur'an, hadith, maqasid al-Qur'an (higher objective of the Quran), reason and analogical reasoning and premises. Ibn Ashur's work had broadly influence the intellectual progress and development of ijtihad oriented toward maqasid as well as dynamic understanding and consciousness of the spirit of law (syariah) in the modern context.*

Keywords: *Ibn 'Ashur, higher objective of Islamic law, tafsir al-tahrir wa al-tanwir, public good*

Abstrak: Kertas ini menyingkapkan sejauh mana elemen dan skop maqasid al-syariah (tujuan tertinggi syariah) diterapkan dalam Tafsir al-Tahrir wa al-Tanwir oleh Muhammad al-Tahir ibn 'Ashur (1879-1973), seorang ulama dan pentafsir al-Qur'an asal Tunisia. Ia mengkaji hubungan tafsirannya dengan ayat yang menekankan dimensi maqasid dan masalah yang luas. Metode kajian adalah bersifat kualitatif berlandaskan teknik taakulan dan analitik. Temuan kajian mendapati kitab Tafsir al-Tahrir wa al-Tanwir ini dirangka berlandaskan pada kaedah maqasid al-syariah yang terkesan



dengan ideologi dan falsafah hukum dan pandangan mazhabnya yang rasional. Perumusan hukumnya menepati prinsip dan garis asas maqasid yang dirujuk daripada keterangan al-Quran, hadith, maqasid al-Qur'an, akal dan qiyas. Karyanya memberi pengaruh yang luas kepada kemajuan intelektual dan perkembangan ijtihad dan tafsir berdimensi maqasid serta kesedaran tentang semangat hukum dan kefahaman Islam yang dinamik di abad moden.

Kata kunci: *Ibn 'Ashur, maqasid syariah, Tafsir al-tahrir wa al-tanwir, maslahah*

Pendahuluan

Kajian ini menganalisis sejauh mana pengaruh dari fikrah *maqasid al-syariah* dikembangkan dalam Tafsir *al-Tahrir wa'l-Tanwir* oleh Muhammad al-Tahir ibn 'Ashur (1879-1973). Karya tafsir ini disiapkan dalam tempoh kurun waktu yang panjang, iaitu kira-kira 38-39 tahun dari tanggal 1341 H/1922 M dan diselesaikan pada 1380 H/1960 M,¹ dan telah mendapatkan pujian ulama di mana menurut Syeikh Salim Abu 'Ashi, kitab Tafsir karya Ibn 'Ashur ini adalah kitab tafsir terbesar dan terlengkap, atau menyamai sebuah ensiklopedia tafsir.²

Isu yang dipermasalahan di sini ialah berhubung intisari dan pertimbangan maqasid dalam tafsirnya yang dirumuskan dalam konteks perbincangan dan interpretasi teks al-Qur'an. Ia mengembangkan teori-teori ilmiah berasaskan pendekatan bahasa (*lughawi*) dan penggunaan ilmu pengetahuan moden dalam memaknai ayat.³ Tulisannya mengungkapkan kefahaman teks yang rasional dan saintifik (*'ilmi*) yang mencirikan ideal yang mendasari perumusannya terhadap nas yang disesuaikan dengan konsep maqasid dan interpretasi hukumnya yang luas. Naratifnya tertumpu pada

¹ Khairul Atfal. "Mengenal Tafsir at-Tahrir wa at-Tanwir karya Tahir ibn Ashur". <https://tafsiralquran.id/mengenal-tafsir-at-tahrir-wa-at-tanwir-karya-%E1%B9%ADahir-ibn-ashur/> diakses 24 November 2023.

² Ika Nur Hasanah. "Mengenal Kitab at-Tahrir wat Tanwir, Ensiklopedi Tafsir karya Bin Asyur", Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022.

³ Jani Arni. "Tafsir al-Tahrir wa al-Tanwir Karya Muhammad al-Tahir ibn Asyur", *Jurnal Ushuluddin* XVII, no. 1 (2011), 80-97.



masalah etika dan teologi hukum dan taklif syariah.⁴ Peninjauan terhadap aspek hukum dan maqasid ini digagaskan dalam konteks adab dan dinamika pemahamannya yang berhaluankan *maqasid*. Ia meraikan kaedah maqasid sebagai tema dan kekuatan asas yang membentuk aliran dan mazhab (*ittijahat*) tafsir yang ingin diperkenalkannya.⁵ Dalam pengantarnya ia menyebutkan motivasi dan cita-citanya untuk menyusun sebuah tafsir dan “menjadikannya sebagai bentuk refleksi untuk mencurahkan hasil pemikirannya yang belum tersentuh dalam diskursus keilmuan sebelumnya”,⁶ yang kebanyakannya dinukil dan dianalisis daripada tafsir-tafsir sebelumnya, sebagai dicatat dalam pendahulunya: “Allah (swt) mengurniakan dan membuka kepada-ku kefahaman tentang makna al-Quran dan mendatangkan kepadaku permasalahan ilmu yang tidak dinyatakan oleh ulama tafsir sebelumku.” (Ibn Ashur, 1984).⁷

Prinsip maqasid ini membentuk kerangka dan pandangan tafsir yang dominan dalam perbincangan teksnya. Tema ini dibawa oleh Ibn ‘Ashur secara konsisten yang memperkenalkan epistemologi tafsir yang revolusioner yang mengimbangi kecenderungan harfiah dalam pemahaman teks dengan matlamat tertinggi syariah. Ia sekaligus merubah pandangan konservatif yang dominan dalam interpretasi teks sekian lama terbelenggu dengan fahaman literalnya.

Penafsirannya konsisten dengan landas epistemologis yang melandasi

⁴ Lit Supriatin, Dudi Ismail, Neneng Nia Kurniasih, “Tanazzul sebagai Taklif: Tafsir Maqasidi atas Peran Adam sebagai Khalifah”, *Al-Ibanah Jurnal Keislaman, Kemasyarakatan dan Pendidikan*, 10.2 (2025), 149–156.

⁵ Muhamad Anwar Aditya, Rofiqoh Nurul Ashfiya, M Yusril Mubarak, “The Ethics of Interpretation in Maqasidi Exegesis: An Exploration of the Framework in Ibn Asyur’s Muqaddimah”, *Zad al-Mufassirin*, 7.1 (2025), 100–122.

⁶ Khairul Atfal. “Mengenal Tafsir at-Tahrir wa at-Tanwir karya Tahir ibn Ashur”. <https://tafsiralquran.id/mengenal-tafsir-at-tahrir-wa-at-tanwir-karya-%E1%B9%ADahir-ibn-ashur/> diakses 24 November 2023.

⁷ Khairul Anuar Mohamad. “Kehebatan Kaedah Tafsir al-Maqasidiy Ibn Asyur”. <https://www.utusan.com.my/gaya/agama/2021/01/kehebatan-kaedah-tafsir-al-madasidiy-ibn-asyur/> diakses 5 Januari 2021.



semangat dan idealisme hukum yang dinamis, terbuka dan interpretatif, namun tunduk kepada aturan dan kehendak teks dan relevan dengan konteks zaman. Kitab *Tafsir al-Tabrir wa'l-Tanwir* ini dikenali sebagai salah satu karya tafsir yang muktabar dalam perkembangan sejarah tafsir moden.

Ideanya tentang maqasid ini pertama kali dikembangkan dalam bukunya *Maqasid al-Syari'ah al-Islamiyyah* yang menjelaskan teori maqasid al-Shatibi yang tercantum dalam karyanya *al-Muwafaqat* yang menghuraikan sintesis dan rekonsiliasi hukum dan konstruk mazhabnya yang kritis. Ia menghimpunkan dalil-dalil hukum yang autoritatif yang terpakai dalam mazhab dan perbahasannya yang klasik di kalangan fuqaha.

Kajian terdahulu tentang Ibn 'Ashur banyak menyentuh tentang pemikiran dan fatwa yang dikeluarkan terutama yang dimuatkan dalam karya tafsirnya *al-Tabrir wa al-Tanwir*. Persoalan ini banyak terkait dengan usahanya dalam merumuskan kaidah usul dan teori maqasid yang dibawakan dalam bukunya *Maqasid al-Syariah al-Islamiyyah* yang menggariskan konsep dan teori asas *maqasid syariah* dan hubungannya dengan prinsip masalah yang diterimapakai dalam mazhab. Pandangan hukumnya yang tradisional banyak diilhamkan daripada tulisan ahli fiqh Andalus Abu Ishaq al-Shatibi (w. 790/1320-1388 M) dalam kitabnya *al-Muwafaqat fi Usul al-Shariah* yang telah mengilhamkan kajian tentang prinsip dan objektif hukum Islam, dengan memberikan tinjauan yang komprehensif tentang prinsip, nilai, ideal dan tujuan tertinggi syariat Islam, ketimbang dari kaedah tekstualis-literalistik yang berlaku sebelumnya. Ia telah melantarkan perbincangan terobosan tentang *maqasid*, dalam percubaan untuk memperbaharui epistemologi *usul al-fiqh* klasik, di mana metodenya menghasilkan pemahaman yang logis, berasas mengenai al-Qur'an dan Sunnah. Ia turut terkesan dengan tafsir al-Zamakhshari dan idealisme hukum dan maqasid Ibn Taimiyah dan Ibn Qayyim al-Jawziyyah yang memperlihatkan sifatnya yang progresif dan dinamik dalam penerapan hukum yang telah menyumbang kepada perkembangan fiqh yang inklusif dan universal dalam period pertengahan dan moden.



Tema dan konsep ini secara ringkas ditinjau oleh Muhamad Anwar Aditya et al (2025), Rosli Mokhtar (2019), Mohamad Anang Firdaus (2020), Muhammad Aga Yudha (2023), Ika Nur Hasanah (2022) dan lainnya yang mengutip dalil dan keterangan daripada tafsirnya dalam penetapan hukum yang telah memperlihatkan pengaruhnya dalam menggerakkan pemahaman usul dan maqasid yang meluas.

Dalam pengantarnya kepada buku “Tadabbur Wahyu: Ringkasan dan Ulasan Kitab al-Tahrir wa al-Tanwir Karya Ibn ‘Asyur” susunan Rosli Mokhtar, Siddiq Fadzil menukulkan pendapatnya tentang tafsir *al-Tahrir al-Tanwir* yang mengagumkan terkait kehalusan ibarat, dan pengungkapannya yang kuat dalam meneliti maksud ayat, yang menjadi ciri khas dari tafsirnya yang “kadang-kadang terasa mengatasi ketelitian sebuah kamus”.⁸ Strukturnya yang tuntas ini sesuai dengan tajuk tafsirnya “*Tabrir al-Ma’na al-Sadiq*” iaitu pemilihan makna yang tepat. Hal ini sebagai diungkapkandalam pengantar tafsirnya: “Dalam tafsir yang saya tulis ini, saya fokuskan untuk mengungkap setiap i’jazul Qur’an, kelembutan (sisi balaghah) bahasa Arab yang terkandung dalam untaian ayat al-Qur’an, dan menjelaskan uslub-uslub (gaya bahasa) dalam penggunaannya. Serta saya pun menjelaskan hubungan ketersambungan ayat dengan ayat yang lainnya.”⁹

Tafsirnya ini menyerlahkan kesatuan dan kesepaduan surah-surah al-Qur’an yang terangkul secara harmonis yang menzahirkan keterkaitannya sebagai salah satu aspek *i’jaz*. Perincian tentang kaedah dan signifikansi tafsirnya dibawakan oleh Afrizal Nur et al,¹⁰ berhubung dengan kemasan manhaj dan nilai kesusasteraannya berbanding kitab *Tafsir al-Mishbah* oleh

⁸ Siddiq Fadzil. *Maqasid al-Shari’ah dalam Ranah Demokrasi*. Shah Alam: UNISEL Press, 2022.

⁹ Ika Nur Hasanah. “Mengenal Kitab at-Tahrir wat Tanwir, Ensiklopedi Tafsir karya Bin Asyur”, Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022

¹⁰ Afrizal Nur, Mukhlis Lubis, Hamdi Ishak, ‘Sumbangan Tafsir al-Tahrir wa al-Tanwir Ibn ‘Ashur dan Relasinya dengan Tafsir al-Mishbah M. Quraysh Shihab’, *Jurnal al-Turath*, 2.2 (2017), 67–79.



M. Quraysh Shihab. Ia menunjukkan pandangan baru yang dibawakannya yang memberikan pencerahan tentang nilai maqasid dan ijtihad dan prinsip kesederhanaan dengan menolak anasir keekstriman, fanatisme, stagnansi dan kebekuan, seraya menempatkan dirinya “sebagai penengah (bersikap moderat) terhadap perbedaan para ulama yang pada satu waktu sepaham dengan ulama lainnya, tetapi pada satu waktu lain berbeda pendapat.”¹¹

Proses penafsirannya digantungkan pada ayat-ayat al-Qur'an dan hadith-hadith Nabi (saw) selain keterangan mufassir dan fuqaha yang lain, dengan meninjau pertumbuhan konsep dan pemahaman *maqasid* dan dalil-dalilnya yang terdapat dalam ayat-ayat al-Qur'an dan hadith. Justeru artikel ini bermaksud meneliti sejauh mana skop maqasid diterapkan dalam Tafsir *al-Tahrir a'l-Tanwir* oleh Ibn 'Ashur dan kesannya kepada pertumbuhan aliran dan mazhab tafsir maqasidi. Dari segi metode peninjauannya, artikel ini menfokuskan pada bentuk-bentuk penghujahan dan pendalilan yang terpakai dalam Tafsir *al-Tahrir a'l-Tanwir* sebanyak 30 jilid dan karya-karyanya yang lain seperti *Maqasid al-Shariah al-Islamiyyah*, *Alaysa al-Subb bi Qarib*, *Usul al-Nizam al-Ijtima'i fi al-Islam*, *al-Waqf wa Atharuhu fi al-Islam*, *Ta'rifat al'Ulum*, *al-Fatawa* dan lain-lain sebagai landasan teoretikal dan hubungkaitnya dengan prinsip dan fatwa-fatwa hukum yang membentuknya. Ini mencakup aspek-aspek tekstual dan sejarah terkait asas-asas teoretikal dan praktikalnya, yang menyingkapkan latar belakang timbulnya aliran pemikiran *maqasid* dalam fiqh klasik (*al-ittijah al-maqasidi*) dan perkembangan dan kemajuannya dari segi percambahan harakat dan aliran pemikiran *maqasid* masa kini.

Dalam perkembangan mutakhir di dunia Islam, arus pemikiran *maqasid* yang menyerbu dengan pantas pada permulaan abad ke-20 telah merubah landskap pemikiran semasa tentang hal-hal kehidupan dan pergaulan sejagat. Kenyataan ini didorong oleh timbulnya faham *maqasidi*

¹¹ Ika Nur Hasanah. “Mengenal Kitab at-Tahrir wat Tanwir, Ensiklopedi Tafsir karya Bin Asyur”, Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022.



(yang dikenal sebagai *sahwab maqasidiyyah*) (Raysuni, 1991) yang telah meledakkan ranah moden dengan gagasan dan fikiran-fikiran intelektual yang berpengaruh tentang doktrin *maqasid*. Idea-idea *maqasid* yang diperkenalkan ini telah mencorakkan kefahaman dan kesedaran tentang falsafah dan intipati hukum serta ruh syariat yang mendasari aspek pensyariatannya, yang selama ini seolah-olah dilupakan dalam praktik perundangan.

Dalam usaha merumuskan pandangan dan idea-idea ini secara menyeluruh, Ibn 'Ashur melalui tafsirnya *al-Tabrir wa al-Tanwir* dan bukunya *Maqasid al-Syari'ah al-Islamiyyah* berusaha menarik intisari dan citra *maqasid* (Marwan Bukhari, 2021) daripada al-Qur'an dan huraianannya dalam teks-teks klasik. Ia mengkaji keseluruhan aspeknya, yang mencakup konsep dan pemahamannya berdasarkan falsafah dan metodologi al-Qur'an. Karyanya menjelaskan sejarah, prinsip dan idealisme hukum dan kedudukan *maqasid syari'ah* sebagai falsafah perundangan Islam (Jasser Auda, 2023), dan membincangkan kepentingannya dalam konteks moden berasaskan peninjauan yang kritis terhadap prinsip *maqasid* dan *maslahah* dan relevansi nilai-nilainya dengan perkembangan semasa dalam praktik hukum, politik, ekonomi, dan sosio-budaya serta aspirasi pembaharuan dan ijtihad yang universal.

Metode

Kajian ini bersifat deskriptif-kualitatif (naratif) berasaskan tinjauan pustaka dan dokumenter. Data dan materi dilacak daripada sumber-sumber primer dan sekunder yang terpilih yang disorot secara analitis, historis, tematis dan empiris. Naskhah dasar yang dirujuk adalah kitab Tafsir *al-Tabrir wa al-Tanwir* karangan Ibn 'Ashur sebagai teks kajian yang didukung oleh buku, artikel, jurnal, manuskrip, keratan akhbar dan maklumat digital dan bahan arkib yang terkait.



Pembahasan

Profil Ringkas Muhammad al-Tahir ibn Muhammad ibn Muhammad al-Tahir

Syeikh Muhammad al-Tahir ibn Muhammad ibn Muhammad al-Tahir ibn Muhammad al-Syadzili ibn 'Abd al-Qadir ibn 'Asyur (1879-1973/1296-1393) adalah seorang ulama tafsir dan hukum yang muktabar pada kurun ke 19-20, yang berasal dari bumi al-Khadra, utara Tunisia.¹² Ia dilahirkan di Tunis pada 1879 kepada keluarga ulama Andalus dan wafat pada Ogos 1973 dalam usia 94 tahun. Jalur keturunannya berasal daripada golongan agama dan terpelajar dimana moyangnya Muhammad Aziz b. Muhammad Habib b. Muhammad Tayyib b. Muhammad 'Attar pernah menjadi Perdana Menteri Tunisia pada masanya.¹³

Shaikh Muhammad al-Tahir ibn Ashur adalah Imam Zaytuna yang paling masyhur dan salah seorang ulama besar Islam pada abad ke 20. Beliau menuntut pengetahuan Islam klasik dari ulama-ulama pembaharu yang ensiklopedik dalam disiplin yang rencam, mulai dari fiqh, usul fiqh, bahasa Arab, hadith, mustalah, sejarah, bayan, badi', mantiq, ilmu arudh dan lainnya. Setelah itu ia ditunjuk sebagai hakim, mufti dan kadi dan ketua ahli syura pada 1923 dan kemudiannya Shaykh al-Islam bagi mazhab Maliki pada 1932. Karyanya-karyanya yang terkenal seperti *Tafsir al-tahrir wa al-tanwir* (Pengesahan dan Pencerahan), *A Laysa al subh bi-qarib* dan *Maqasid al-shari'ah al-Islamiyyah* telah melantarkan asas yang penting dalam menggarap kefahaman pokok tentang syariat Islam dan nilai hukumnya yang universal. Beliau meninggalkan pengalaman yang kaya dan panjang dalam kehidupan awam dan pentadbiran serta khazanah penerbitan yang meluas dan artikel-

¹² Khairul Atfal. "Mengenal Tafsir at-Tahrir wa at-Tanwir karya Tahir ibn Ashur". <https://tafsiralquran.id/mengenal-tafsir-at-tahrir-wa-at-tanwir-karya-%E1%B9%ADahir-ibn-ashur/> diakses 24 November 2023.

¹³ Ika Nur Hasanah. "Mengenal Kitab at-Tahrir wat Tanwir, Ensiklopedi Tafsir karya Bin Asyur", Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022.



artikel ilmiah yang secara mutlak tiada tandingan dalam kurun kesembilan belas dan dua puluh di Tunisia, banyak yang masih menuntut penerbitan dan kajian yang kritis hari ini.

Beliau menuntut dengan *'ulamā* yang berfaham-islām dan menguasai kesarjanaan Islam klasik. Beliau menjadi hakim kemudian Shaikh al-Islam pada 1932, dan merupakan seorang pengarang dan penulis yang prolific dalam bidang pembaharuan pendidikan Islam dan fiqh. Karya Ibn Ashur tentang *Maqāsid al-Shari'ah* tahun 1946 adalah kajian pelopor, sistematik tentang matlamat-matlamat tertinggi Shari'ah, selain tafsirnya yang berwibawa *al-Tabrir wa al-Tanwir* yang digunapakai di kuliah-kuliah sebagai teks dasar dalam wacana tafsir.

Konsep Teori Maqasid Syari'ah Ibn Ashur Muhammad al-Tahir ibn Muhammad ibn Muhammad al-Tahir

Usaha untuk menghidupkan semula ilmu *maqasid al-syariah* di zaman moden telah dimulakan oleh Muhammad Abduh (1849-1905) yang mengajarkan kitab *al-Muwafaqat* di Universiti al-Azhar setelah tenggelam selama hampir lima abad, dan ilmu *maqasid* hanya menjadi sub-tajuk kecil dari cabang *usul al-fiqh*. Usahnya diteruskan oleh Muhammad al-Tahir ibn 'Ashur (1879-1973) yang menghimpunkan pengetahuan asasnya dalam kitab *Maqasid al-Shari'ah al-Islamiyyah* yang telah menghidupkan semula ilmu tersebut.

Terkesan dengan lawatan Muhammad Abduh ke Tunisia, Ibn Ashur berusaha menggabungkan pengetahuan Islam klasik dengan hasrat untuk membangunkan semula tamadun Islam. Hubungannya dengan Abduh ini dijelaskan oleh Basheer M. Nafi (20050: "Sekiranya *Tafsir al-manar* oleh Muhammad Abduh dan Rashid Rida, yang diterbitkan pada awal kurun kedua puluh, adalah karya *tafsir* pertama yang signifikan yang merenungkan impak kemodenan ke atas pemahaman Muslim terhadap al-Qur'an, *al-Tabrir wa'l-tanwir* mewakili ketekalan klasikisme, namun pada masa yang sama adalah penghayatan dan respon terhadap modernisme."



Karya Ibn Ashur tentang *maqāsid al-shari'ah* yang terbit pada tahun 1946 dianggap sebagai kajian pelopor, sistematis tentang matlamat-matlamat tertinggi Shari'ah. Dalam tesisnya tentang *Maqāsid al-Shari'ah* (yang diterbitkan dalam bentuk yang lengkap pada tahun 2006) Shaikh Muhammad al-Tahir ibn Ashur mengusulkan *Maqāsid* sebagai suatu metodologi bagi pembaharuan hukum Islam, yang tidak melalui sebarang perkembangan yang serius semenjak era para imam yang besar.

Ibn Ashur – agak berani – juga menangani topik yang sensitif tentang tujuan/*Maqāsid* Nabi Muhammad (SAW). ‘Semoga limpah rahmat dan keberkatan dari Tuhan tercurah kepada Baginda’ di sebalik tindakan dan keputusan Baginda (saw). Beliau memperkenalkan kriteria untuk membezakan antara hadith-hadith Nabi (saw) yang dimaksudkan untuk menjadi bahagian daripada hukum Islam dengan perbuatan/perkataan Nabi (saw) yang dimaksudkan semata-mata kerana matlamat yang spesifik seperti kepimpinan politik, pengadilan mahkamah, usul persahabatan, penyelesaian konflik, dan lain-lain.

Namun sumbangan Ibn Ashur yang paling signifikan dalam buku ini adalah pembangunan *Maqāsid* yang baru dengan mencipta istilah semasa yang belum pernah dirumuskan sebelumnya dalam pendekatan *usul al-fiqh* tradisional. Contohnya, Ibn Ashur membangunkan teori tentang ‘pemeliharaan keturunan’ kepada ‘pemeliharaan sistem keluarga’, ‘perlindungan kepercayaan yang benar’ kepada ‘kebebasan kepercayaan’, dan lain-lain. Beliau juga memperkenalkan konsep tentang ‘ketertiban’, ‘pembawaan lahiriah’, ‘kebebasan’, ‘hak’, ‘kesopanan’, dan ‘persamaan’ sebagai *Maqāsid* dalam dirinya sendiri, dan di atas mana keseluruhan hukum Islam bersandar. Perkembangan ini membuka kesempatan yang besar bagi hukum Islam untuk menangani cabaran terkini dan sebenar terhadap masyarakat Islam dan minoriti Muslim.¹⁴

¹⁴ Ibn Ashur, Mohammad al-Tahir. *Ibn Ashur – Treatise on Maqasid al-Shariah*. Tr. Mohamed el-Tahir el-Mesawi. London & Washington: IIIT, 2006.



Dalam buku ini, beliau mengupas tentang idealisme hukum dan *maqasid* yang digarap dari legasi fiqh abad pertengahan, dan dirumuskan dengan tuntas dalam konteksnya yang tradisional dan moden. Ia mengusulkan beberapa aspek pembaharuan tentang pemahaman syarak dan perkembangannya yang moden, seperti faham kebebasan (*hurriyyah*), negara hukum, dan orde sosial. Sumbangan ini penting dalam mengangkat fikrah dan kefahaman *maqasid* yang mendalam berkat analisisnya yang substantif tentang doktrin dan ideal syariah dan manhaj yang diperkenalkannya dalam pembaharuan hukum dan pemikiran Islam. Buku ini adalah suatu terobosan dalam kajian hukum Islam di mana Ibn Ashur mengusulkan *Maqasid* sebagai suatu metodologi bagi memperbaharui teori hukum Islam, yang tidak melalui sebarang perkembangan yang serius sejak era para imam yang besar dari al-Shāfi'ī pada kurun ke 8 hingga al-Shātībī pada kurun ke 14.

Metodologi Ibn Ashur mengambil posisi tengah antara dua kem ekstrem kontemporer: 'neoliteralisme,' yang mengabaikan asas rasional dan interpretasi-semula yang sah terhadap hukum Islam kerana memihak pada pandangan harfiah tradisional, dan 'neorasionalisme,' yang mengeneipkan identiti agama dan budaya Muslim kerana mengejar 'modernisasi' dan 'rasionaliti'. *Maqasid* hukum Islam adalah berteraskan kepada teks Islam dan iktikad Islam, dan mengenengahkan faham rasional, tujuan, dan masalah umum dalam syariat Islam.

Buku ini membangunkan diskusi yang penting tentang *Maqasid al-Shari'ah* untuk memberikan panduan dan kerangka rujukan dalam menanggapi perbezaan-perbezaan pandangan. Ia bertujuan untuk membantu umat Islam membangunkan perundangan pemulihan bagi isu-isu bersama mereka apabila kes-kes baru muncul, dan menyediakan mereka dengan pandangan yang desisif dalam menghadapi hujah yang berbentur daripada mazhab fiqh yang berbeza. Ia mengkaji objektif-objektif Islam mengenai undang-undang dan aturan yang mengawal transaksi dan perlakuan awam. Undang-undang ini layak secara eksklusif dipanggil Shari'ah, kerana ia mencerminkan tujuan Islam untuk memperincikan dan



mengenalpasti pelbagai tahap daripada manfaat dan mudarat dan kriteria untuk mengaksesnya. Perbezaan di atas prinsip yang asas (*usul*) terus berlarutan berkenaan penerapan hukum, kerana perundangan umum dan prinsip universal dari *usul al-fiqh* berasal daripada kualiti yang tertentu daripada hukum itu.

Usul al-fiqh tidak pernah menjadi pemutus akhir yang ketetapanannya diterima oleh kelompok yang berbeza pandangan tentang perkara-perkara fiqh. Tambahan pula, kebanyakan saran dan pertanyaan *usul al-fiqh* hampir tidak menyoroti maksud dalam menyingkapkan kebijaksanaan yang mengakar, atau *hikmah*, dan menegakkan tujuan-tujuan Shari'ah. Ulama-ulama *usul al-fiqh* telah justeru membataskan pertanyaan mereka kepada aspek-aspek luaran dan literal dari Shari'ah. Tanpa menarik perhatian terhadap saran yang sebenar dari *usul al-fiqh*. Untuk membentangkan prinsip yang definitif dan mutlak bagi memahami Shari'ah, kita harus kembali kepada saran tradisional yang diterima dari *usul al-fiqh* dan merumuskannya semula. Kita seharusnya merumuskannya secara menyeluruh dan mengklasifikasinya sebagai disiplin yang bebas dipanggil "ilmu tentang objektif-objektif tertinggi Shari'ah."¹⁵

Aplikasi Teori *Maqasid Syari'ah* dalam *Tafsir Al-Tahrir Wa'l-Tanwir* Karya Muhammad al-Tahir ibn Muhammad ibn Muhammad al-Tahir

Perbincangan tentang nilai hukum dan maqasid banyak dirumuskan dalam kitab tafsir *al-Tahrir wa al-Tanwir* yang mengupas isu dan tema-tema asas terkait dengan pencirian umum *maqasid al-shari'ah* dan asal-usulnya dalam al-Qur'an. Ini dinyatakan oleh Ibn 'Ashur dalam pendahuluannya terkait latar belakang penyusunan kitab tafsir *al-Tahrir wa al-Tanwir* yang menyebutkan sebab yang melatari dan mendorong kepada pencerahan tafsir

¹⁵ Ibn Ashur, Mohammad al-Tahir. *Ibn Ashur – Treatise on Maqasid al-Shariah*. Tr. Mohamed el-Tahir el-Mesawi. London & Washington: IIIT, 2006.



yang diskursif, dan menegaskan prinsip pembaharuan dan ijtihad, di mana “ia ingin menjelaskan kepada umat manusia mengenai hal-hal yang akan membawa mereka kepada kebahagiaan di dunia dan akhirat. Tak hanya itu, ia pun ingin menjelaskan kebenaran, pelajaran dan akhlak mulia, kandungan balaghah (kebahasaan) dalam al-Qur'an, ilmu-ilmu dan maksud syari'at, serta pendapat para mufasssir terhadap makna sejati yang disampaikan oleh al-Qur'an”.¹⁶

Dalam tafsirnya Ibn 'Ashur banyak menukil pandangan al-Shatibi dan ulama tafsir lainnya yang mengembangkan idea-idea klasik tentang maqasid. Asal usul tafsir *maqasidi* ini dikatakan berasal daripada karya Ibn Mas'ud “*Natsru al-Wurud fi Jam'i Tafsir Ibni Mas'ud*” yang disusun oleh al-Bukanuni dan “*Tafsir Ibn Mas'ud*” oleh Muhammad Ahmad Isawi yang banyak menjelaskan aspek masalah dan mafsadah, manfaat dan mudarat dalam pertimbangan hukumnya. (Syamsuri, 2025)

Tradisi dan nilai hukum ini digarap daripada sumber-sumber tafsir yang muktabar yang berasal daripada pemahaman yang intrinsik tentang wahyu ilahi yang telah mencorakkan tradisi dan idealisme fiqh klasik dan membentuk kerangka serta ciri-ciri asasnya: “*Mujtabid* yang paling tepat dan pandangan berasaskan-ijtihad yang paling jitu dari setiap *mujtabid* bergantung kepada kedalaman dan ketelitian usaha mereka untuk mencari *maqasid al-shari'ah*.” (Ibn 'Ashur, 2006: 12).

Penjelasannya turut tergantung pada keterangan-keterangan klasik tentang *usul al-shariah* yang dinukil dalam manhaj dan pendekatan usul yang menunjukkan ciri-ciri asas *maqasid* dan falsafahnya, di mana “Salah satu daripada ciri asasi dan tersendiri fiqh Islamiyah adalah kaitan struktural bersifat rabbani antara hukum-hakamnya dengan tujuan-tujuan dan objektif-objektif tertinggi (*maqasid*)” (Taha Jabir al-Fayyad al-Alwani, 1993; Jasser Auda, 2023). Ini ditunjukkan dalam tafsir *al-Tabrir wa al-Tanwir* yang

¹⁶ Ika Nur Hasanah. “Mengenal Kitab at-Tahrir wat Tanwir, Ensiklopedi Tafsir karya Bin Asyur”, Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022.



secara relatifnya bercorak *lughawi* dan *'ilmi* dalam mengkontekstualisasikan ayat dan pemahaman hukumnya, “yang membuatnya jelas bahawa setiap ketetapan hukum dalam Islam mempunyai suatu fungsi yang ia jalankan, dan suatu tujuan yang ia realisasikan, suatu sebab, baik tersurat mahupun tersirat, dan maksud yang ia cuba penuhi, dan semua ini bagi merealisasikan maslahat untuk manusia atau bagi menolak kemudaratan atau kerosakan. (Para ulama ini) menunjukkan bagaimana tujuan-tujuan ini, dan objektif-objektif tertinggi mungkin pada suatu masa terkandung secara eksplisit dalam teks al-Qur'an dan sunnah, sementara pada masa yang lain, ulama mungkin menyetangkannya melalui ijtihad berdasarkan pemahaman mereka terhadap al-Qur'an dan sunnah dalam bingkai waktu dan tempat.”¹⁷

Namun pengambilan dalil-dalil ini masih bersifat relatif, kerana: “meskipun dalil-dalil ini diambil daripada al-Qur'an, yang teksnya secara definitif ditegakkan oleh penyambungan riwayat yang mutawatir, kebanyakan penunjuk al-Qur'an termasuk dalam kategori dari konotasi harfiah yang bersifat kebarangkalian, tidak definitif dan mutlak. Para *mujtahid* berbeza pandangan terhadap hukum dan ketetapan yang mereka ambil darinya” (Ibn 'Ashur: 2006: 12). Alhasil, “prinsip pendorong fuqaha yang paling tinggi dalam hal ini adalah untuk terikat oleh keobjektifan dan keadilan dan menjauhi kecenderungan kepada penetapan sebelumnya, hasil ijtihad terdahulu, atau pandangan ulama atau muallim besar”...berasaskan metode tematik yang menjurus pada satu kebijaksanaan yang mengakar (*hikmah*), dan menyimpulkan darinya satu objektif yang spesifik dan memastikan tujuan yang dikehendaki oleh Shari'ah.”¹⁸

Dalam konteks hukum, tafsir *al-Tabrir wa al-Tanwir* ini tuntas membangunkan pemahaman *maqasid* dalam lingkungan sosio-budaya yang

¹⁷ Al-Raysuni, Ahmad. *Imam al-Shatibi's Theory of the Higher Objectives and Intents of Islamic Law*. Nancy Roberts (terj.). London & Washington: IIIT, 2013.

¹⁸ Ibn Ashur, Mohammad Tahir. *Alaysa al-Subb bi Qarib, al-Ta'lim al-Araby al-Islamy Dirasat Tarikhiyyah wa Ara' Islahiyyah*. Tunisia: Dar al-Salam li al-Tiba'ah wa al-Tawzi' wa al-Nashr wa al-Tarjamah, 2006.



luas yang diilhamkan daripada pencerahan dan ikhtisarnya yang signifikan yang dihubungkan dengan nilai dan falsafah hukum daripada kesimpulan dan takwilnya yang bermakna terhadap ayat. Menurut Basheer M. Nafi (2005), karya tafsir ini adalah sumbangan besar kepada percubaan yang berterusan kaum Muslim untuk mendefinisikan kedudukan yang ditempatkan teks asas Islam dalam kehidupan mereka.

Ia memperkenalkan teori maqasid dalam masalah hukum dan islah yang ditegakkan berdasarkan sumber-sumber *abkam al-syariah* dalam tradisi pemikiran mazhab yang klasikal. Idea ini membentuk pemahamannya tentang intipati syariah dan pengaplikasiannya dalam proses perundangan, ijtihad, hukum-hakam, fatwa dan aspek kemaslahatan dan keutamaannya (*awlawiyat*). Ia membawa intipati dan pemahaman hukum yang digarap daripada tinjauan hukum-hakam dan sumber-sumber wahyu dan syariat, yang dikeluarkan melalui proses induktif (*istiqla'*) dan deduktif (*istinbat*) dan tunduk pada kaedah dan aplikasi tafsir berorientasi maqasid yang diwarisi dalam tradisi pemikiran mazhab dan sejarahnya.

Menurut Ibn 'Ashur, al-Qur'an merupakan sumber hukum dan peradaban yang memuat kemaslahatan dunia-akhirat dalam memelihara kebaikan dan maslahat umat, dan sebenar-benarnya petunjuk bagi mereka, "Sesungguhnya Allah (swt) menurunkan al-Qur'an untuk kebaikan seluruh umat manusia, rahmat bagi mereka untuk sampai kepada apa yang Allah kehendaki."¹⁹

Dalam tinjauannya tentang sisi *maqasid* al-Qur'an (*maqasid ilahi-qur'ani*).²⁰ perhatiannya tertumpu pada pesan ayat-ayat al-Qur'an secara keseluruhan dengan melihat alasan dan tujuan di sebalik pensyariatan hukumnya yang holistik (*kulliyah*) yang mencakup paradigma dan kaidah-

¹⁹ Ibn Ashur, Mohammad Tahir. *Tafsir al-Tabrir wa al-Tannir*. Vol. 1. Tunisia: al-Dar al-Tunisiyyah li al-Nashr, 1984.

²⁰ Wijaya Aksin, Shofiyullah Muzammil, 'Maqasidi Tafsir: Uncovering and Presenting Maqasid Ilahi-Qur'ani into Contemporary Context', *Al-Jami'ah: Journal of Islamic Studies*, 59.2 (2021).



kaidah maqasidi yang struktural, epistemik dan teoritik dan implikasinya sebagai landasan filosofis dalam pemahaman al-Qur'an.²¹ Dalam penjelasannya pada *surah al-Fatihah* ia menyebutkan refleksinya tentang kandungan surah yang mencantumkan tujuan yang ideal dari al-Qur'an: "Sesungguhnya surah al-Fatihah kandungannya memuat beberapa macam maqasid al-Qur'an".²²

Dalam menafsirkan surah al-Fatihah ini, Ibn Ashur menyebut intisari ayat yang terkait dengan maksud dan tujuan al-Qur'an yang dikehendaki dan dimaksudkan daripada penurunannya: "ia mengandung tiga maqasid al-Qur'an iaitu: pujian kepada Allah yang menghimpunkan sifatnya dengan semua pujian juga mensucikan Allah dari segala kekurangan, memperakui keesaan Allah dengan ketuhanan dan memperakui adanya hari kebangkitan dan pembalasan."²³

Ini selaras dengan konteks ayat yang diusulkan sebagaimana ditunjukkan dalam al-Quran dan terkait dengan pemahamannya yang rasional terhadap teks dan dimensi maqasidnya di mana ia mendakwa shariah haruslah ditegakkan dengan asas yang rasional: "salah satu hal terbesar yang diperlukan oleh keuniversalan shariah adalah aturannya setara kepada semua komuniti yang mengikutinya sejauh yang mungkin, kerana persamaan dalam aliran hukum dan perundangan adalah penolong untuk mencapai kesepakatan dalam masyarakat."²⁴

Dalam tafsirannya pada ayat 2:256, beliau memberikan

²¹ Mohamad Anang Firdaus. "*Maqasid al-Qur'an* sebagai Paradigma Pendidikan Islam (Konstruksi Pemikiran Islam Ibn 'Ashur)". PhD. diss., UIN Sunan Ampel Surabaya, 2020.

²² Ibn Ashur, Mohammad Tahir. *Tafsir al-Tabrir wa al-Tamwir*. Vol. 1. Tunisia: al-Dar al-Tunisiyyah li al-Nashr, 1984.

²³ Khairul Anuar Mohamad. "Kehebatan Kaedah 'Tafsir al-Maqasidiy Ibn Asyur'. utusanmalaysia <https://www.utusan.com.my/gaya/agama/2021/01/kehebatan-kaedah-tafsir-al-madasidiy-ibn-asyur/> diakses 5 Januari 2021.

²⁴ Ibn Ashur, Mohammad Tahir. *Alaysa al-Subb bi Qarib, al-Ta'lim al-Araby al-Islamy Dirasat Tarikhiyyah wa Ara' Islahiyyah*. Tunisia: Dar al-Salam li al-Tiba'ah wa al-Tawzi' wa al-Nashr wa al-Tarjamah, 2006.



pertimbangan terhadap kaedah maqasid al-shariah, dengan menyebut ayat 2:256 ini terpakai secara mutlak dan menentukan (*mutlaq wa muhkam*) dan tidak dapat dimansuhkan, di mana pembatasan terhadap kebebasan agama akan melanggar prinsip pemeliharaan agama dan akal (*hifz al-din wa al-'aql*). Namun ia turut mengambil kira kemungkinan *naskh* dan *asbab al-wurud* yang digunapakai oleh ulama klasik dalam hubungannya dengan konteks sejarah dan mafhum teks yang logis.

Penutup

Tulian ini telah memperlihatkan secara ringkas kekuatan tafsir *al-Tabrir wa al-Tanwir* karya Ibn 'Ashur yang dianggap sebagai magnum opusnya yang utama dan sangat berprestij dan salah satu karya tafsir kontemporer yang berpengaruh di abad ke-20. Ia mengetengahkan pola tafsir ilmi (*al-ra'y*) yang mengisbatkan teori saintifik dan pengetahuan moden yang didukung oleh dalil dan manhajnya yang fleksibel dan kontemporer. Karyanya menyerlahkan pandangan dunia dan nilai pemikirannya yang universal dan progresif mencakup isu-isu bahasa, kalam, sejarah, hadith, hukum-hakam, gender, teologi dan dakwah dengan mengambil rujukannya daripada keterangan al-Qur'an dan hadis dan nas-nas fuqaha yang *qat'i*. Penyusunan tafsir yang berorientasi fiqh dan maqasid ini memberi makna kepada aspirasi pembaharuan dan sistem hukum yang tertegak oleh idealisme fiqh yang intrinsik dan universal. Dalam peninjauan hukum dan fatwanya ia telah melakarkan metode yang tepat mengikut kaedah istinbat yang didukung oleh prinsip penafsiran ilmiahnya yang menjunjung faham kesederhanaan dan kemaslahatan yang dikehendaki syarak. Adalah bermakna untuk kitab ini dijadikan panduan dalam pengajian tafsir yang menyajikan bentuk penyampaian yang kontemporer, ringkas dan sederhana, selain penggunaan bahasanya yang praktikal yang dapat dicerap oleh pembaca awam dan intelek, seraya memberikan pemahaman yang sederhana dan kritis tentang aspek maqasid daripada tafsirnya yang tradisional. Selain itu buku-bukunya dapat membantu meningkatkan



pemikiran dan persepsi awam tentang *maqasid* selari dengan prinsip dan konteks ayat yang dibahaskan dan ini dapat memperkuat tekad mereka untuk mengejanya ke tahap yang lebih tinggi dan mencapai matlamat-matlamat tertingginya.

Daftar Pustaka

- Al-Alwani, Taha Jabir Fayyad. *Ijtihad*. London & Herndon, VA: IIIT, 1993.
- Afrizal Nur, Mukhlis Lubis, Hamdi Ishak, 'Sumbangan Tafsir al-Tahrir wa al-Tanwir Ibn 'Ashur dan Relasinya dengan Tafsir al-Mishbah M. Quraysh Shihab', *Jurnal al-Turath*, 2.2 (2017), 67–79.
- 'Allal al-Fasi. *Maqasid al-Shari'a al-Islamiyya wa Makarimuha*, ed. ke-5. Beirut: Dar al-Gharb al-Islami, 1993.
- Al-Raysuni, Ahmad. *Naẓariyyat al-Maqasid 'inda al-Imam al-Shatibi*. Rabat: Matba'ah al-Najah al-Jadidah, 1991.
- Al-Raysuni, Ahmad. *Imam al-Shatibi's Theory of the Higher Objectives and Intent of Islamic Law*. Nancy Roberts (terj.). London & Washington: IIIT, 2013.
- Al-Shatibi, Abu Ishaq Ibrahim. *Al-Muwafaqat fi Usul al-Shari'ah*. 'Abdullah Darraz (pytg.). Mesir: Dar al-Hadith, 2006.
- Basheer M. Nafi, 'Tahir ibn 'Ashur: The Career and Thought of a Modern Reformist 'alim, with Special Reference to His Work of tafsir', *Journal of Qur'anic Studies*, 7.1 (2005).
- Brown, Jonathan A.C. *Misquoting Muhammad (s): The Challenge and Choices of Interpreting the Prophet's Legacy*. UK: Oneworld Publications, 2014.
- Ibn Ashur, Mohammad Tahir. *Tafsir al-Tahrir wa al-Tanwir*. Vol. 1. Tunisia: al-Dar al-Tunisiyyah li al-Nashr, 1984.
- Ibn Ashur, Mohammad Tahir. *Maqasid al-Syari'ah al-Islamiyyah*, Muhammad Tahir al-Misawi (pytg.). Amman, Jordan: Dar al-Nafa'is, 2001.
- Ibn Ashur, Mohammad al-Tahir. *Ibn Ashur – Treatise on Maqasid al-Shariah*. Tr. Mohamed el-Tahir el-Mesawi. London & Washington: IIIT,



2006.

Ibn Ashur, Mohammad Tahir. *Alaysa al-Subh bi Qarib, al-Ta'lim al-Araby al-Islamy Dirasah Tarikhiyyah wa Ara' Islahiyyah*. Tunisia: Dar al-Salamli al-Tiba'ah wa al-Tawzi' wa al-Nashr wa al-Tarjamah, 2006.

Ibn Ashur, Mohammad Tahir. *Usul al-Nizam al-Ijtima'i fi al-Islam*. Tunisia: al-Shirkah al-Tunisiyyah li al-Tawzi', t.t.

Ika Nur Hasanah. "Mengenal Kitab at-Tahrir wat Tanwir, Ensiklopedi Tafsir karya Bin Asyur", Nu online. <https://islam.nu.or.id/tafsir/mengenal-kitab-at-tahrir-wat-tanwir-ensiklopedi-tafsir-karya-bin-asyur-14gcv>, diakses 14 Maret 2022.

'Izz al-Din, Said Kashnit al-Jaza'iri. *Ummabat Maqasid al-Qur'an: Turuq Ma'rifatiba wa Maqasiduba*. Amman: Dar al-Majdalawi li al-Nashrwa al-Tawzi', 2011.

Jani Arni. "Tafsir al-Tahrir wa al-Tanwir Karya Muhammad al-Tahir ibn Asyur", *Jurnal Ushuluddin* XVII, no. 1 (2011), 80-97.

Jasser Auda, *Maqasid Syariah Sebagai Falsafah Perundangan Islam: Pendekatan Sistem*. Tr. Muhammad Razak Idris. Kuala Lumpur: Penerbit Universiti Malaya, 2023.

Khairul Anuar Mohamad. "Kehebatan Kaedah Tafsir al-Maqasidiy Ibn Asyur". <https://www.utusan.com.my/gaya/agama/2021/01/kehebatan-kaedah-tafsir-al-madasidiy-ibn-asyur/> diakses 5 Januari 2021.

Khairul Atfal. "Mengenal Tafsir at-Tahrir wa at-Tanwir karya Tahir ibn Ashur". [tafsiralquran.id https://tafsiralquran.id/mengenal-tafsir-at-tahrir-wa-at-tanwir-karya-%E1%B9%ADahir-ibn-ashur/](https://tafsiralquran.id/mengenal-tafsir-at-tahrir-wa-at-tanwir-karya-%E1%B9%ADahir-ibn-ashur/) diakses 24 November 2023.

Lit Supriatin, Dudi Ismail, Neneng Nia Kurniasih, "Tanazzul sebagai Taklif: Tafsir Maqasidi atas Peran Adam sebagai Khalifah", *Al-Ibanah Jurnal Keislaman, Kemasyarakatan dan Pendidikan*, 10.2 (2025), 149–156.

Marwan Bukhari A. Hamid. *Citra Maqasid al-Shari'ah: Dari Kelahiran hingga Kebangkitan*. Kuala Lumpur: ABIM Press, 2021.



- Mohamad Anang Firdaus. “*Maqasid al-Qur'an* sebagai Paradigma Pendidikan Islam (Konstruksi Pemikiran Islam Ibn ‘Ashur)”. PhD. diss., UIN Sunan Ampel Surabaya, 2020.
- Mohamed el-Tahir el-Mesawi. “Human Nature and the Universality of the Shari‘ah: Fitrah and Maqasid al-Shari‘ah in the Works of Shah Wali Allah and Ibn ‘Ashur”. *Al-Shajarah* 24.2 (2009), 167-205.
- Mohamed el-Tahir el-Mesawi, ed. *Maqasid al-Shari‘ah: Explorations and Implications*. Petaling Jaya: Islamic Book Trust, 2018.
- Mohamed el-Tahir el-Mesawi. “Maqāsid al-Sharī‘ah: Meaning, Scope and Ramifications”. *Al-Shajarah* 25.2 (2020), 263-295.
- Muhamad Anwar Aditya, Rofiqoh Nurul Ashfiya, M Yusril Mubarak, “The Ethics of Interpretation in Maqasidi Exegesis: An Exploration of the Framework in Ibn Asyur’s Muqaddimah’, *Zad al-Mufasssirin*, 7.1 (2025), 100–122.
- Rosli Mokhtar. *Tadabbur Wahyu: Ringkasan dan Ulasan Kitab al-Tabrir wa al-Tamwir Karya Ibn ‘Asyur*. Siddiq Fadzil (pengantar). Nilai: Ilham Books, 2019.
- Siddiq Fadzil. *Maqasid al-Shari‘ah dalam Ranah Demokrasi*. Shah Alam: UNISEL Press, 2022.
- Subhi Mahmassani. *Falsafat al-Tashri‘ fi al-Islam: Muqaddima fi Dirasat al-Shari‘a al-Islamiyya ‘ala Daw’ Madhabibuha al-Mukhtalifa wa Daw’ al-Qawanin al-Haditha*. Beirut: Dar al-‘Ilm lil-Malayin, 1961.
- Syamsuri, ‘Kredibilitas Ibnu Mas‘ud dalam Tafsir al-Qur’an dan Kontribusinya terhadap Pengembangan Tafsir Maqasidi’, *Pegon: The International Journal of Islam Nusantara Civilization*, 14.1 (2025), 163–201.
- Syaza Shukri, Meor Alif Meor Azalan. “The Application of Maqasid al-Shariah in Multicultural Malaysia: Developing Strong Institutions for Interethnic unity”, *Contemporary Islam* 17 (2023), 433-450.
- Wijaya Aksin, Shofiyullah Muzammil, ‘Maqasidi Tafsir: Uncovering and Presenting Maqasid Ilahi-Qur’ani into Contemporary Context’, *Al-*



Jami'ah: Journal of Islamic Studies, 59.2 (2021).

Yudha, Muhammad Aga, 'Uncovering the Human and Divine Aspect of Ridha in the Qur'an through the Lens of Tafsir Tahrir wa Tanwir', *Jurnal Studi Ilmu-Ilmu al-Qur'an dan Hadis*, 24.1 (2023), 119–136.

Zulkifli Mohamad al-Bakri. *Maqasid Syariah Satu Pengenalan Umum*. Nilai: Pustaka Cahaya Kasturi, 2014.

Zulkifli Mohamad al-Bakri (kata aluan). *Minda Maqasid*. Putrajaya: Jabatan Kemajuan Islam Malaysia, 2020.

